



Aristoteles in seinem ersten
 buch von den hohen dingen schreybt Wann dye
 Son vñ ander hymelisch gestirn sich nahet den
 vndersten zweyen Elementen/so seien sie die sel
 bigen verwandeln/vñ von inen nemen (vñ nem
 lich von der erdē)erlich rauchēd irdisch natur/doch gantz warm
 auch douon ein teil druckē vñ das ander feucht. doch mer druckē
 dieser vffsteigender dunst oder irdischer rauch/der also von dies
 sen elementen abgesundert vñ erhaben wirt in die oberst region
 der luft/oder in die vnderst des feners/vnd noch seinen teilen
 ubertreffende vnd feucht subteil zusamēgemischt vñ hart: wirt
 die selbig exalatio: dz ist der vffsteigēd dunst: leichtlich geschickt
 anzuzunden/vñ so er dan also abgesundert vñ erhaben wirt in
 die rechte stat/hart zusammen gemischt/ vñ wircklichē von dem
 hymelischen cörper vnd von dem vmbstehenden warmen mittel
 angezundet/wirt sollichs gesprochen ein Comet. Aber Camara
 census spricht yn also geberē/vñ wirt vergleicht mit dez ersten
 Wan erhaben werdē die warmen vñ drucken dunst in die ober
 sten region der luft/welch dunst in der mitte dick sein/vnd am
 end in seinem vmbschweiff nach circels weiff subteil/vnd dar
 nach allenthalben von den cörpern des hymels vñ von de vmb
 stenden mittel entzundet/so wirt die anzundung des mytreyls
 gesehen als ein stern zymlicher grōß/vñ die anzundung der ufer
 sten teil gibt ein schein der hore oder löcke/die vßgebreyt sein al
 lenthalben das man vff latin nent Coma dar von dan Cometa
 kumbt Es begibt sich doch oft vnd dick das der selbig dunst sein
 teyl nit hat gerings vmb in circels weiff vßgedeylt oder gespreit
 sunder allein an einem ort/dan so wirt die anzundung der sel
 bigen dunst geben eyn schein eins sterns gleich als mit einem
 bart:der vff latin Pogonea oder Barbata gesprochen wirt/Vnd
 in dieser gestalt ist bey vns gesehen dieser Comet welcher beider
 Comeren gestalt vßweisen sein diß nochuolgenden figuren.



Das Zweit Capitel Inn welchen
 enden des Hymels der Comet erschnen ist.